

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 102276 21 K
Bugojno, 11.12.2023. godine

U IME FEDERACIJE BOSNE I HERCEGOVINE

P R E S U D U

I

Temeljem odredaba članka 299. točka c) ZKP F BiH

OPTUŽENIK S.T. sin S. i majke F. djevojačko D., rođen godine u G.V./U., nastanjen u ul. Gradska bb, Općina G.V./U., JMBG:,, državljani BiH, završio SSS, po zanimanju vozač, nezaposlen, neoženjen, otac jednog djeteta, lošeg imovnog stanja, osuđivan presudama:

- Općinski sud Bugojno broj K -234/04 od 29.11.2004.godine za kazneno djelo Teška krađa , uvjetna kazna 8 mjeseci , uslov 2 godine,
- Općinski sud Bugojno broj K -515/05 od 11.07.2006.godine za kazneno djelo Teška krađa , uvjetna kazna 4 mjeseca,
- Općinski sud Bugojno broj 046 0 K 07-000160 od 07.06.2007.godine za kazneno djelo Teška krađa , uvjetna kazna 9 mjeseci ,
- Općinski sud Bugojno broj 046 0 K 06 000420 od 22.08.2007.godine za kazneno djelo Teška krađa , novčana kazna 600,00 KM.
- Općinski sud Bugojno broj 046 0 K 07 000258 od 29.11.2007.godine za kazneno djelo Krađa , kazna zatvora 11 mjeseci ,
- Općinski sud Bugojno broj 046 0 K 07 000326 od 27.11.2007.godine za kazneno djelo Krađa , uvjetna kazna 3 mjeseca uslov 1 godina,
- Općinski sud Bugojno broj 046 0 K 001753 07 K od 09.06.2008.godine za kazneno djelo Teška krađa , uvjetna kazna 3 mjeseca,
- Općinski sud Bugojno broj 46 0 K 000041 07 K od 29.04.2009.godine za kazneno djelo Krađa , novčana kazna ,
- Općinski sud Bugojno broj 46 0 K 036810 12 K od 09.05.2014.godine za kazneno djelo Prikrivanje , novčana kazna 500,00 KM.
- Općinski sud Bugojno broj 46 0 K 035577 12 K od 07.01.2014.godine za kazneno djelo Krađa , novčana kazna 600,00 KM.
- Općinski sud Bugojno broj 46 0 K 038626 13 K od 22.05.2015.godine za kazneno djelo Krađa , kazna zatvora 6 mjeseci ,
- Općinski sud Bugojno broj 46 0 K 095294 19 Kps od 12.03.2020.godine za kazneno djelo Oštećenje tuđe stvari , uvjetna kazna 4 mjeseca , uslov 1 godina,
- Općinski sud Bugojno broj 46 0 K077956 17 K od 08.10.2018.godine za kazneno djelo Utaja, novčana kazna 600,00 KM.
- Općinski sud Bugojno broj 46 0 K 052718 16 K od 13.05.2017.godine za kazneno djelo Teška krađa, kazna zatvora 8 mjeseci,

OSLOBADA SE OD OPTUŽBE

da je:

1. Dana 27.03.2020. godine oko 23:00 sati u mjestu Zdrimci, Općina Gornji Vakuf/Uskoplje boraveći u svojoj kući zajedno sa oštećenim S.K. u dnevnom boravku i sjedeći na kauču jedan naspram drugog, držeći između oštećenog u ruci nepoznatu eksplozivnu napravu u kojoj se nalazilo eksplozivno punjenje pentrit sa metalnim odjevcima, ekserima i šarafima i neopreznim rukovanjem u jednom momentu izazvao eksploziju naprave, svjestan da nestručnim rukovanjem može doći do eksplozije ali je olako držao da se to neće desiti, usljed koje eksplozije je S.K. zadobio teške tjelesne ozljede opasne po život u vidu eksplozivnih povreda grudnog koša i trbuha sa probojnim oštećenjima prednjih dijelova V i VI –og desnog međurebarnog mišića, zabodenost šarafa u rskavični dio V-og, lijevog rebra te probojno oštećenje donjeg režnja desnog pluća sa zadržavanjem stranog metalnog tijela u njegovom tkivu uz slijedstveno nastali obiman izliv krvi u desno prsište, odnosno dva rascijepa čahure i tkiva gornje strane desnog režnja jetre uz manji izliv krvi u trbušnu duplju, usljed kojih brojnih eksplozivnih povreda je preminuo dana 30.03.2020. godine u KCU Sarajevo.

2. U neutvrđenom vremenskom periodu do 27.03.2020. godine u svojoj kući mjestu Zdrimci, Općina Gornji Vakuf/Uskoplje neovlašteno držao eksplozivnu napravu u kojoj se nalazilo eksplozivno punjenje pentrit sa metalnim odjevcima, ekserima i šarafima, protivno čl. 7 st. 2 toč. f i d i čl. 8 st. 1 toč. a i st. 2 Zakona o nabavljanju, držanju i nošenju oružja i streljiva (Sl. novine SBK/KSB br. 12/2014), čija nabavka građanima uopće nije dopuštena, a čiji ostaci eksplozivne naprave su pronađeni prilikom obavljanja očevida u kući osumnjičenog dana 27.03.2020. godine nakon eksplozije.

Čime bi počinio:

- Teška kaznena djela protiv Opće sigurnosti ljudi i imovine iz članka 328. stavak 4. u svezi s člankom 323. stavak 4. KZ F BiH, na način opisan pod 1,
- Nedorzvoljeno držanje oružja ili eksplozivnih materija iz članka 371. stavak 1. KZ F BiH, na način opisan pod 2,

II

Temeljem odredaba članka 299. točka a) ZKP F BiH

OPTUŽENIK sa naprijed utvrđenim podacima

OSLOBADA SE OD OPTUŽBE

da je:

Dana 18.04.2022. godine na području Gornjeg Vakufa Uskoplje, svjestan i u namjeri da ugrozi sigurnost svoje sestre S.Č., putem mobilnog telefona telefonskog broja, na njen mobilni telefon telefonskog broja uputio više pisanih SMS poruka u kojima je sadržajno uputio ozbiljne prijetnje oštećenoj

S.Č.: "ja sam neonacista, pa vi vidite s kim imate posla, spreman na sve pa i pakao, molim vas da ne dirajte u zvjer, jako mi ja žao što ste ovo priredili ali ne procjenjujte me džehenem će biti....kunem vas", a koje prijete su uslijed straha od ostvarivanja istih kod S.Č. izazvale osjećaj uznemirenosti i straha.

Čime bi počinio kazneno djelo Ugrožavanje sigurnosti iz članka 183. stavak 1. Kaznenog Zakon Federacije Bosne i Hercegovine.

Temeljem odredaba članka 203. stavak 1. ZKP-a F BiH troškovi kaznenog postupka padaju na teret proračunskih sredstava.

Završeno u 15:10 sati.

Zapisničarka:
Amina Jusufbegović

Sudac
Darko Solomun